

唐
音
統
籤

戊籤七十三陸龜蒙之六

唐音統籤卷

六百九十七

五言律詩

秋熱

自昔秋捐扇今來意未衰
殷勤付柔握淅瀝待清
吹午氣朱崖近宵聲白羽隨
總如南國候無復疑
好悲

村中晚望

抱杖柴門立江村日易斜
鴈寒猶憶侶人病更離
家短鬢看成雪雙眸舊有花
何須萬里外卽此是
天涯

襲美題郊居十首次韻

近來唯樂靜移傍故城居閒打修琴料時封謝藥
書夜停江上鳥晴暖篋中魚出亦圖何事無勞置
棧車

倩人醫病樹看僕補衡茅散髮還同阮無心敢慕
巢簡便書露竹樽待破霜匏日好林間坐煙蘿僅
欲交

倭僧留海紙山匠製雲牀懶外應無敵貧中直是
王池平鷗思喜花盡蝶情忙欲問新秋計菱絲一
畝強

故山空自擲當路竟誰知祇有經時策全無養拙
資病深憐炙客炊晚信樵兒謾欲陳風俗周官未
採詩

福地能容壑玄關詎有扉靜思瓊板字閒洗鐵銘
衣烏破涼煙下人衝暮雨歸故園秋草夢猶記綠
微微

水影沉魚罷隣聲動緯車燕輕捎墜葉蜂懶卧燄
花說史評諸例論兵到百家明時如不用歸去種
桑麻

禹穴竒編缺雷平異境殘靜吟封籙檢歸興削帆

竿白石堪爲飯青蘿好作冠幾時當斗柄同上步
綱壇

強起披衣坐徐行處暑天上階來鬪雀移樹去驚
蟬莫問鹽車駿誰看醬瓿玄黃金如可化相近買
雲泉

野入青蕪巷陂侵白竹門風高開栗刺沙淺露芹
根迸鼠緣藤桁饑鳥立石盆東吳雖不改誰是武
王孫

疎慵真有素時勢盡無能風月雖爲敵林泉幸未
憎酒材經夏闕詩債待秋徵祗有君同癖閒來對

田肱

訓襲美秋晚見寄二首

爲愛晚窗明門前亦懶行
圖書看得熟隣里見還生
鳥啄琴林響僧傳藥味精
緣若多古思携手上空城

何事樂漁樵巾車或倚橈
和詩盈古篋賒酒半寒瓢
失雨園蔬赤無風艸葉凋
清言一相遣吾道未全消

訓襲美早春病中書事

抵食詩調苦不計病容生
我亦休文瘦君能叔寶

清藥須勤一服春莫累多情欲入毗耶問無人敵
淨名

又酬次韻

從來多遠思尤向靜中生所以令心苦還應是骨
清酒香偏入夢花落又關情積此風流事爭無後
世名

奉酬張廣文賁旅泊吳門次韻

高秋能叩觸天籟忽成文苦調雖潛倚靈音自絕
羣茅峰曾應斗笠澤久眠雲許伴山中躅二年任
一醺

更次韻酬廣文

獨倚秋光岸風漪學簞文玄堪教鳳集書好換鷺
羣葉墮平臺月香消古徑雲強歌非白紵聊以送
餘醺

和襲美贈魏處士五贖詩

五瀉舟

樣自桐川得詞因隱地成好漁翁亦喜新白鳥還
驚沙際擁江沫渡頭橫雨聲尚應嫌越相遺禍不
遺名

華頂杖

萬古陰崖雪靈根不爲枯瘦于霜鶴脰奇似黑龍
鬚挂訪譚玄客持看潑墨圖湖雲如有路兼可到
仙都

太湖硯

誰截小秋灘閒窺四緒寬繞爲千嶂遠深置一潭
寒坐久雲應出詩成墨未乾不知新博物何處擬
重刊

烏龍養和

養和名字好偏寄道情深所以親逋客兼能助五
禽倚肩滄海望鉤膝白雲吟不是逍遙侶誰知世

外心

訶陵樽

魚幣匠成樽猶殘海浪痕外堪欺玳瑁中可酌崑
名酒 崑水繞苔磯曲山當草閣門此中醒復醉何必

問乾坤

和龔美初冬章上人院

每伴來方丈還如到四禪菊承荒砌露茶待遠山
泉畫古全無跡林寒却有煙相看吟未竟金磬已
泠然

四明山詩九首

并序

謝遺塵者有道之士也嘗隱于四明之南雷一
旦訪余來語不及世務且曰吾得于玉泉生知
子性誕逸樂神仙中書探海嶽遺事以期方外
之交雖銅鑄鬼坎虎獄劍餌無不窺也今馮子
語吾山之奇者有峰最高四穴在峰上每天地
澄霽望之如牖戶相傳謂之石隱卽四明之目
也山中有雲不絕者二十里民皆家雲之南北
每相從謂之過雲有鹿亭有樊榭有潺湲洞水
實有青櫺子味極甘而堅不可卒破有猿山家
謂之鞠侯其他在圖籍不足道也凡此佳處各
爲我賦詩余因作九題題四十字謝省之曰玉
泉生真不誣矣好事者爲余傳之因呈襲美

石窗

石窗何處見萬仞倚晴虛積靄迷青瑱殘霞動綺
疏山應列國嶠宮便接方諸祇有三奔客時來教

隱書

過雲

相訪一程雲雲深路僅分嘯臺隨日辨樵斧帶風
聞曉着衣全濕寒衝酒不醺幾回歸思靜髣髴見
蘇君

雲南

雲南更有溪丹礫盡無泥藥有巴賚賣枝多越鳥
啼夜清先月午秋近少嵐迷若得山顏住芝萐手
自携

雲北

雲北是陽川人家洞壑連壇當星斗下樓撈翠微

邊一半過峰雨三條古井煙金庭如有路應到左
神天

鹿亭

鹿亭巖下置時領白驢過草細眠應久泉香飲白
多認聲來月塢尋跡到烟蘿早晚吞金液騎將上
絳河

樊榭

樊榭何年築人應白日飛至今山客說時駕玉麟
歸乳帶懸松嫩芝臺出石微憑欄虛日斷不見羽
華衣

潯溪洞

石淺洞門深潯潯萬古音似吹雙羽管如奏落霞
琴倒穴漂龍沫穿松濺鶴襟何人乘月美應作上
清吟

青橘子

山實號青橘環岡次第生外形堅綠殼中味酸瑣
英墮石樵兒拾敲林宿鳥驚亦應仙吏守時取薦
層坡

鞠侯

何事鞠侯名先封在四明但爲連臂飲不作斷腸

聲野蔓垂纒細寒泉佩玉清滿林遊宦子誰爲作
君卿

送延陵張宰

春盡未離關之官亦似閒不嫌請薄俸爲喜帶名
山默禱三真後高吟十字還

季子有仲是所書十字碑

祗應江

上鳥時下訟庭間

送人罷官歸茅山

呼僮曉拂鞍歸上大茅端薄俸雖休入明霞自足
餐暗霜松粒赤疎雨草堂寒又鑿中峰石重修醮
月壇

蟬

愁憑風作使全仰柳爲都一腹清何甚雙翎薄更
無伴貂金換酒并雀畫成圖恐是千年恨偏令落
日呼

螢

肖翹雖振羽戚促盡疑冰風助流還急烟遮點暫
凝不須輕列宿纔可擬孤燈莫倚隋家事曾煩下
詔徵

卷終

唐鑑七十三陸龜蒙之七

唐音統鑑卷

六百九十八

五言排律

江墅言懷

病身兼稚子田舍劣相容跡共公卿絕貧須稼穡
供月方行到閏霜始近來濃樹少棲禽雜村孤守
犬重汀洲藏晚弋籬落露寒春野并歌還整家書
拆又封杉簟宜夕照牕戶憶踈鐘南北唯聞戰縱
橫未勝農大春雖苦學叔夜本多慵直使貂裘弊
猶堪過一冬

自和

命旣時相背才非世所容著書糧易絕多病藥難
供夢爲懷山數愁因忌酒濃烏媒呈不一魚寨下
仍重晚柎策兼褐晴簷織帶春著籤分水味標石
認田封此地家三戶何人祿萬鍾草堂聊當貴金
穴任輕農把釣竿初冷題詩筆未慵莫憂寒事晚
江上少嚴冬

和諫議崔公罷郡敘懷六韻

已報東吳政初捐左契歸天應酬苦節人不犯寒
威江上思重借朝端望載饑紫泥封夜詔金殿賜
春衣對酒情何遠裁詩思極微待升鏐造日江海

閩漁扉

和襲美新秋三十韻

身閒唯愛靜籬外是荒郊地僻憐同巷庭喧厭累
舉岸聲搖舴艋窗影辨蠓蛸逕祇溪禽下關唯野
客敲竹門從古凸池緣本來顛早藕擎霜節涼花
束紫梢漁情隨錘網獵興起鳴髀好夢經年說名
方着處抄木疎唯自補枝癢欲誰抓牕靜常懸蘿
鞭閑不正鞘山衣輕斧藻天籟逸弦匏蕙展風前
帶桃烘雨後膠蘚乾粘晚砌煙濕動晨庖沈約便
圖籍揚雄重酒肴日曾窺總汨耳不犯征鐃曆外

窮飛朔著中記伏及石林空寂歷雲肆肯曉繞松
桂何妨靈龜龍亦任嘲未_能丹作髓誰相紫爲胞
莫把榮枯異但_聲和大小包由弓猿不捷梁園虎
忘墟舊友懷三益關山溫二嶠道隨書籠占時共
釣輪拋好作忘機士須爲莫逆交看君馳諫草憐
我卧衡茅出處雖冥默薰猶肯溷殺岸沙從鶴印
崖蜜勸人揀白菌盈枯枿黃精滿綠筍仙因隱居
信禪是淨名教勿謂江湖水終浮一大炮

和襲美憶洞庭觀步十韻次韻

聞君遊靜境雅具更縱縱竹傘遮雲逕藤鞋踏蘚

衽杖斑花不一樽大癭成雙水鳥行沙嶼山僧禮
石幢已廿三秀味誰念百牢腔遠棹投何處殘陽
到幾牕仙謠珠樹曲村餉白醅缸地里方吳會人
風似冉厖探幽非遜世尋勝肯迷邦爲讀江南傳
何賢過二龐

和襲美江南書情二十韻寄韋校書宋先輩
二同年次韻

我志如魚樂君詞稱鳳銜暫來從露冕何事買雲
巖水石應容病松篁未聽讒鑪香杉蠹膩山信藥
苗緘愛驚鼓危立思猿叟鑠蘄謝才偏許眺阮放

最憐成大樂寧忘缶竒工肯顧城客愁迷舊隱鷹
隼想秋甕硯缺猶慵琢文繁却要芟雨餘幽沼淨
霞散遠峯巉洗筆煙成段培花土作松訪僧還覓
伴醫鶴自須監荒廟猶懷李清灘幾夢嚴背風開
蠹簡衝浪試新帆悶憶年支酒閒裁古樣衫釣家
隨野舫仙蘊逐雕函度歲賒羸馬先春買小蠧其
疏泉入竹同坐月過杉染翰窮高致懷賢發至誠
不堪潘子鬢愁促易彫髮

和龔美古杉三十韻

衆木盡相遺孤杉獨任竒插天形砒兀當殿勢嚴

危惡是夸娥怒教臨嶽薛裴節穿開耳目根癰坐
熊羆世只論榮落人誰問等衰初危勢有巔從日上

無葉與秋欺虎搏應難動鵬蹲不敢遲戰鋒新缺
麟燒岸黑黥鬩死龍骸雜爭奔鹿角差肢銷洪
水腦稜聳梵天眉磔索珊瑚湧森嚴獬豸窺向空
分犂指衝浪出鯨鬚楊僕船槿在蚩尤陣轟隳下
連金粟岡高用鐵菱披挺若符堅插浮于祖納椎
崢嶸驚露鶴趑趄閼雲螭傍宇將支壓撐霄欲抵
戲背交蟲臂揭相向鵲拳退格音各筆差初加反猶立
階千卓未麾鬼神應暗畫風雨恐潛移已覺寒松

伏偏宜后土疲好邀清嘯傲堪映古茅茨材大應

容竭年深必孕蘖後凋依佛氏初植必僧彌

寺即東晉

王家別墅僧彌王珉小字

擁腫煩莊辯槎牙費庾詞詠多靈府

困搜苦化權卑類既區中寡朋當物外推蟠桃標
目絳珠草侍仙墀真宰誠求夢春工幸可醫若能
噬齧竹猶足動華滋

江南秋懷寄華陽山人

櫛髮涼天曙含毫故國情歸心一夜極病體九秋
輕忽起襜褕詠因悲絡緯鳴逢山卽堪隱何路可
圖榮揲策空占命持竿不釣名忘憂如有待縱嬾

似無營小徑纔分草斜扉劣辨荆冷荷承露蒨疎
菊卧烟莖譜爲聽琴閱圖緣看海曙鷺毛浮島白
魚尾撥波頰庭橘低聲嗅園葵旋折烹餓鳥窺食
案鬪鼠落書棚種豆悲楊惲投瓜憶衛懿東林誰
處士南郭自先生分野星多塞連山卦少亨衣裾
徒博大文籍漫縱橫蘭葉騷人珮蓴絲內史羹鵲
冠難適起羊酪未饒僞倚牖微抽恨論玄好析醒
栖遲勞鼓篋豪俠愛金簫鍊藥傳丹鼎嘗茶試石
甌沼連枯葦暗牕對脫梧別未達譏張翰非才嫉
稱衡遠懷魂易黯幽憤骨堪驚礪缺知不利磨瑕

見璧瑱道源疏滴瀝備尋會精誠敢歎良時機猶
勝亂世摠相秦猶幾死王漢尚當黥飲啄期應定
窮通勢莫爭髡鉗爲皂隸譴笑得公卿落日安知
量追風不計程塵埃張耳分肝膽季心傾諭蜀專
操檄通旣獨請纓匹夫能曲踊萬騎可橫行許國
輕妻子防邊重戰耕俄分上尊酒驟厭五侯鯖靜
默供三語從容等一枰弘深司馬法雄傑貳師兵
朔雪埋烽燧寒笳裂旆旌乘時收句注卽日掃欃
槍武昔威殊俗文今被八紘琮璜陳始畢韶夏教
初成茅孽群妖滅松筠百度貞郎官青瑣拜使者

繡衣迎帝道將雲闕澆波漸砥平學徒羞說霸佳
士耻爲跼負杖歌栖畝操觚賦北征才當曹斗怯
書比惠車盈謝氏憐兒女郗家貴舅甥唯荒稚珪
宅莫贈景山鎗賢彥風流遠江湖思緒縈謳啞撻
舴艋出沒漾鳩鵲晚樹參差碧奇峰迤邐晴水喧
想紫茱村響哢香杭荷笠漁翁古穿籬守犬獐公
衫白紵卷田餉綠簪擊地與膏腴錯人多富壽并
相懽時帖泰獨坐歲崢嶸唧噴蛩吟壁連軒鶴舞
楹戍風飄夢鼓隣月動哀筆未得文章力何由俸
祿請和鉛還搢搢持斧自丁丁驚懼疑凋朽功勤

過屑瓊凝神披夕秀盡力取朝英蠹簡開塵篋寒
燈立曉檠靜翻詞客系閒難史官評天地寧舒慘
山川自變更祇能分跡惠誰解等殤彭項豈重瞳
聖夔猶一足暨阮高酣麴藥莊達謝犧牲辭舌無
勞話寬心豈可盛但從鍾冶鍛莫受罽羅嬰硯撥
萍根洗舟衝蓼穗撐短牀編翠竹低几凭紅櫳霜
信催楊柳烟容裏杜蘅桁排巢燕燕屏畫醉猩猩
嬾檜推嵐影飛泉撼玉琤隴舡尋遠近握槳鬬輪
贏技一作檻壓離披瓠簷垂礪磊橙忘情及宗炳抱
疾過劉楨野饋誇菰飯江南賈蔗飭送神枹瓦釜

留客上瓷觥舉機揮青劒鳴榔扣遠鉦鳥行沈莽

蒼魚隊破泓澄手戟非吾事腰鎌且發硎

音坑諒難

求標標

上聲

聊欲取錚錚幾歎蟲耳蓼還思鹿美萃

愁長難自剪歌斷有誰賡未去師黃石空能說白

珩性湍休激浪言秀罷抽萌地僻琴樽獨溪寒杖

屨清切齊消臆對戈倒共心盟絲曳靈妃瑟金涵

太子笙幽棲膠竹塢仙慮驛蓬瀛想像珠襦鳳追

飛翠藥鶯霧簾深杳悄雲磬冷敲鐙籙字多階品

華陽足弟兄焚香凝一室盡日思曾城匿景崦巖

色呀空渤海聲吾當管巨黍東去射長鯨

秋日遣懷十六韻寄道侶

盡日臨風坐雄詞妙畧兼共知時世薄寧恨歲華
淹且把靈方試休憑吉夢占夜燃燒香火朝鍊洗
金鹽有路求真隱無媒舉孝廉自然成嘯傲不是
學沈潛水恨同心隔霜愁雨鬢霑鶴屏憐掩扇烏
帽愛垂簷雅調宜觀樂清才稱典籤冠敝玄髮少
書健紫毫尖故疾因秋白塵容畏日黔壯圖須行
行儒服設襜褕片石聊當枕橫煙欲代簾蟲恨延
穴蟻疎葉漏庭蟾藥鼎高低鑄雲庵早晚苦胡麻
如重寄從謂我無厭

丹陽道中寄友生

煙樹綠微微春流浸竹扉短簑攜稚去孤艇載魚歸
海俗蘆編室村娃練束衣舊栽奴橘老新殺女桑肥
錦鯉衝風擲絲禽掠浪飛短亭幽徑入陳廟數峰圍地
廢金牛陵荒石獸稀思君同一望帆上怨餘暉

寄茅山何道士

終身持玉舄丹訣未應傳況是曾同宿相違便隔年
問顏知更少聽話想踰玄古籙文垂露新金汞絕
烟蜂供和餌蜜人寄買溪錢紫蕪長巢硿青龜

忽上蓮篋藏徵隱
詔囊佩攝生篇
圃暖芝臺秀巖
春乳管圓池
栖子孫鶴堂宿弟兄
仙幸閑靈書次
心期賜一編

京口與友生話別

共是悲秋客
相逢恨不堪
鴈頻辭薊北人
尚在江南
名利機初發
樵漁事先諳
松門穿戴寺
荷徑繞秦潭
秦潭始皇所開
繩檢真難束
疎慵却易耽
枕當高樹穩
茶試遠泉甘
架上經唯一樽前
雅猗三風雲
勞夢想天地入
醺酣唇自堯階
數書因禹穴
探御龍
雖世祿下馬亦清譚
國計徒盈策
家儲不滿甌
斷

簾從燕出敞弁倩人簪木墜涼來葉山橫霽後嵐
竹牕深窈窕苔洞綠龕弁積行依顏子和光則老
聊杖誠爲虎節被信作鯨函養鷺看窺沼尋僧助
結庵功名思馬援歌唱咽羊曇乞食羞孤鳳無衣
羨八蠶繫帆留宿客吟句任羸驂寵鶴空無衛占
烏未見鄴香還須是桂青會出於藍蜀酒時傾甌
滿贊反從蜀呼吳鰕偏發垠若非反玉封千挺藕霜開一箇
柑惜珮終邀禍辭環好激貪宗演雖叨漕成厦必
梗枿碧石雕琴薦黃金飾劒鐔煙緣沙砌引水爲
藥畦擔博物君能繼多才我尚慙別離猶得在秋

鬢未鬢鬢

送宣武從事越中按獄

曉看呈使範知欲收星輅水國難驅傳山城便倚
橈秉籌先獨立持法稱高標旌旆臨危堞金絲發
麗譙別愁當翠巘寬望隔風潮木落孤帆迴江寒
聲鼓飄客鴻吳島盡殘雪剡汀消坐想休秦獄春
應到柳條

戊籤七十三陸龜蒙之八

唐音統籤卷

六百九十九

七言律詩一

關書

病學高僧置一牀披衣纔暇卽焚香閒階雨過苔

花潤小簾風來薤葉涼南國羽書催部曲

時黃巢圍廣州

告急東山毛褐傲羲皇升平聞人

一作

道無時節試問

中林亦不妨

獨夜

新秋霽夜有清境窮檐病客無佳期生公把經向
石說而我對月須人爲獨行獨坐亦獨酌獨翫獨

吟還獨悲古稱獨立與獨步若此群居終較奇

中秋待月

轉缺霜輪上轉遲好風偏似送佳期簾斜樹隔情
無限燭暗香殘坐不辭最愛笙調聞北里漸看星
澹失南箕何人爲校清涼力未似初圓欲午時

一作

欲減初圓

及午時

小雪後書事

時候頻過小雪天江南寒色未曾

一作多

偏楓汀尚

憶逢人別麥隴唯憑

一作應

欠雉眠更擬結茅臨水

次偶因行藥到村前鄰翁意緒相安慰多說明年

是稔年

秋夕文宴

得成字

筆陣初臨夜正清
擊銅遙認小金鉦
飛觥壯若遊燕市
覓句難於下趙城
隔嶺故人因會憶
傍簷棲鳥帶吟驚
梁王座上多詞客
五韻甘心第七成

梁昭

明嘗文宴賦詩各五韻劉孝威第七方成

寒夜文宴

得驚字

各將寒調觸詩情
旋見微漸入硯生
霜月滿庭人暫起
汀洲半夜鴈初驚
三清每爲仙題想
一日多因果句傾
千里建康衰草外
含毫誰是憶昭明

新秋月夕客有自遠相尋者作吳體二首以

謝

風初寥寥月乍滿杉簷左右供餘清因君一話故
山事憶鶴互應深溪聲雲門老僧定未起白閣道
士遙相迎世間羽檄日夜急掉臂欲歸岩下行
驚聞遠客訪良夜扶病起坐綸巾歆清談白紵思
悄悄玉繩銀漢光離離三吳煙霧且如此百越琛
賈來何時竹端片月落未落強慰別情言後期

別墅懷歸

水國初冬和暖天南榮方好背陽眠題詩朝憶復

暮憶見月上弦還下弦遙爲晚花吟白菊近炊香
稻識紅蓮何人授我黃金百買取蘓君負郭田

同襲美遊北禪院

院卽顧可勳
陸郎中舊宅

連延花蔓映風廊岸幘披襟到竹房居士祇今開
梵處先生曾是草玄堂清樽林下看香印遠岫窓
中挂鉢囊今日有情消未得欲將名理問思光

寒夜同襲美訪寂上人

月樓風殿靜沉沉披拂霜華訪道林鳥在寒枝棲
影動人依古堞坐禪深明時尚阻青雲步半夜猶
追白石吟自是海邊鷗伴侶不勞金偈更降心

闔閭城北有賣花翁詩春之士往往造焉因
招襲美

故城邊有賣花翁水曲舟輕去盡通十畝芳菲爲
舊業一家煙雨是元功間添藥品年年別笑指生
涯樹樹紅若要見春歸處所不過攜手問東風

王先輩草堂

松徑隈雲到靜堂杏花臨澗水流香身從亂後全
家隱日校人間一倍長金籙漸加新品秩玉皇偏
賜羽衣裳何如聖代彈冠出方朔曾爲漢侍郎

京口

江干古渡傷離情斷山零落春潮平東風料峭客
帆遠落葉夕陽天際明戰舸昔浮千騎去釣舟今
載一翁輕可憐宋帝籌帷處蒼翠無煙草自生

筭山

水繞蒼山固護來當時盤踞實雄才周郎計策未
甯定曹氏樓船白晝灰五十八年爭虎視三千餘
騎騁龍媒何如今日家天下閭闔門臨萬國開

傷越

越谿自古好風煙盜束兵纒已半年訪戴客愁墮
水遠浣紗人泣共埃捐臨焦賴灑王師雨欲墮重

登刺史天早晚山川盡如故清吟閒上鄂君船

和開元寺客省早景卽事次韻

日上杳思疊影紅一聲清梵萬緣空襪襪滿地貝
多雪料峭入樓于闐風水榭初抽寥泝思竹窓猶
挂夢魂中靈香散盡禪家接誰共殷源小品同
論亦有九流一曰禪家者流殷浩讀
小品經下二百籤疑義以問支道林

和夏景冲澹偶作次韻二首

蟬雀參差在扇紗竹襟輕利籜冠斜壚中有酒文
園會琴上無絃靖節家芝畹煙霞全覆穗橘洲風
浪半浮花閒思兩地忘名者不信人間髮解華

抵于池曲象山幽便是瀟湘浸石樓斜拂芙蓉盤輕
鷺下細穿菱線小鯢遊閒閒茗焙嘗須徧醉撥書
帷卧始休莫道仙家無好爵方諸還拜碧琳侯

和襲美首夏所居有作次韻

柿陰成列藥花空却憶桐江下釣筒亦以魚鰕供
熟鷺近綠櫻筍識鄰翁聞分酒劑多還少自記書
籤白間紅更愛夜來風月好轉思玄度對支公

和新秋卽事次韻三首

心似孤雲任所之世塵中更有誰知愁尋冷落驚
雙鬢病得清涼減四支懷舊藥溪終獨往宿枯杉

寺已頻期兼須爲月求高處卽是霜輪殺滿時
帆櫂衣裳盡釣徒往來蹤跡遍三吳閒中展卷興
亡小醉後題詩點畫麤松島伴譚多道氣竹窓孤
夢豈良圖還須待致昇平了卽往扁舟放五湖
聲利從來解破除秋灘唯憶下桐廬鷗鷺陣合殘
陽少蜻蛚吟高冷雨踈辯伏南華論指指才非玄
晏借書書當時任使真堪笑波上三年學炙魚

和寒日書齋卽事三首每篇各用一韻

不必探幽上鬱岡公齋吟嘯亦何妨唯求蕙苴供
僧食別著甌餽待客牀春近帶煙分短蕙曉來衝

雪撼疎篁餘杭山酒猶封在遙囑高人未肯嘗

已上星津八月槎文通猶自學丹砂

江文通有丹砂可學賦

仙經寫得空三洞隱士招來別九華靜對真圖呼

綠齒偶開丹室問黃牙方諸更是憐才子錫賚予

君合有差

名價皆酬百萬餘尚憐方丈講玄虛西都賓問曾

戒賦東海人求近著書

襲美嘗作弔江都賦又茅新羅僧請爲大師碑銘

洞煙霞侵寤寐檀溪風月挂樵漁清朝還要廷臣

在兩地寧容便結廬

和暇日獨處見寄

謝府殷樓少暇時又拋清宴入書帷三千餘歲上
下古八十一家文字奇司馬遷書上平紀三千餘歲太玄有八十一家率多
奇字冷夢漢皐懷鹿隱靜憐煙岳覺鴻離知君滿篋
前朝事鳳諾龍奴借與窺

和吳中言情見寄次韻

菰煙蘆雪是儂鄉釣線隨身好坐忘徒愛右軍遺
點畫閒披左氏得膏肓無因月殿聞移屨祇有風
汀去採香莫問江邊漁艇子玉皇看賜羽衣裳

和吳中書事寄漢南裴尚書

風清地古帶前朝遺事紛紛未寂寥三泖涼波魚

絕動

遠祖士衡對晉武帝以三柳冬溫夏涼

五茸春草雉媒嬌

五茸吳王

獵所茸

雲藏野寺分金刹月在江樓倚玉簫不用

懷歸忘此景吳王看卽奉弓招

和醉中偶作見寄次韻

海鶴飄飄韻莫儕在公猶與俗情乖初呈酒務求
專判合禱山祠請自差永夜譚玄伎罔象一生交
態忘形骸憐君醉墨風流甚幾度題詩小謝齋

和襲美病中書情寄崔諫議次韻

或偃虛齋或在公鵲然村下青賢風庭前有蝶爭
煙蘂簾外無人報水筒行藥不離深幌底

時患眼疾寄

書多向遠山中
西園夜燭偏堪憶
曾爲題詩刻半
紅

訓病中見寄

逢花逢月便相招
忽卧雲航隔野橋
春恨與誰同
酩酊玄言何處問
逍遙題詩石上空
廻筆拾蕙汀
邊獨倚橈
早晚却還巖
下電襲美時
有眼疾
共尋芳徑結
煙條

和襲美病後春思次韻

氣和靈府漸氤氲
酒有賢人藥有君
七字篇章看
月得百勞言語傍
花開闕尋古寺消
晴日最憶深

溪枕夜雲早晚共搖孤艇去紫屏風外碧波文

襲美病中聞余遊顏家園見寄次韻謝之

日華風蕙正交光羯末相携藉草塘

羯謝玄小字未謝川小字

佳酒旋傾鄙醪嫩短船閒弄木蘭香煙絲鳥拂來
縈帶蘂檻人收去約簫今日好爲聯句會不成剛
爲欠檀郎

和襲美抱疾杜門見寄次韻

雖失春城醉上期下帷裁編未裁詩因吟郢岸百
畝蕙欲採商崖三秀芝棲野鶴籠寬使織施山僧
飯別教炊但醫沈約重瞳健不惜江花不滿枝

和襲美卧疾感春見寄次韻

共尋花思極飛騰病帶春寒去未能
煙迳水涯多好鳥竹牀蒲椅但高僧
須知日當爲神授祇有家貧免盜憎
除却數函圖籍外更將何事結良朋

訓襲美夏首病愈見招次韻

雨多青合是垣衣一幅蠻牋夜款扉
蕙帶又聞寬沈約茅齋猶自憶王微
方靈樞在君臣正篆古須拋點畫肥
除却伴談秋水外野鷗何處更忘機

襲美留振文小宴龜蒙抱病不赴猥示唱和
因次韻仰訓

綺席風開照露晴，祇將茶薺代雲觥。
繁絃似玉紛紛碎，佳妓如鴻一一驚。
毫健幾多飛藻客，羽寒寥落映花鶯。
幽人獨自西窓晚，閒凭香檉反照明。

和襲美見訪不遇

爲愁煙岸老神鷄，扶病呼兒斲翠荇。
祇道府中持簡牘，不知林下訪漁樵。
花盤小墜晴初壓，一作葉擁踈籬凍未燒。
倚杖徧吟春照午，一池冰段幾多消。

和夏初襲美見訪題小齋韻

四鄰多是老農家，百樹鷄桑半頃麻。
盡趁晴明修

網架每和煙雨掉綠車啼鶯偶坐身藏葉餉婦歸
來髻帶花不是對君吟復醉更將何事送年華

和訪寂上人不遇

芭蕉霜後石欄荒林下無人閉竹房經抄未成拋
素几錫鑲應撼過寒塘蒲團爲拂浮埃散茶器空
懷碧餽香早晚却還宗炳社夜深風雪對禪牀

和褚家林亭

一陣西風起浪花遶欄杆下散瑤華高窓曲檻仙
侯府卧葦荒芹白鳥家孤島待寒凝片月遠山終
日送餘霞若知方外還如此不要秋乘上海槎

和冬曉章上人院

山寒偏是曉來多，況值禪窓雪氣和。
病客功夫經未演，故人書信納新磨。
閒臨靜案修茶品，獨傍深溪記藥科。
從此逍遙知有地，更乘清月伴君過。

和題達上人藥園二首

藥味多從遠客齋，旋添花圃漸成畦。
三桮舊種根應異，九節初移葉尚低。
山僧便和幽澗石，水芝須帶本池泥。
從今直到清秋日，又有香苗幾番齊。

淨名無語是清羸，藥草搜來喻更微。
一雨一風皆

遂性花開花落盡，忘機教誅兔縷金絃亂。

兔縷金絃，別名自

擁龍芻紫汞肥莫恠獨親幽園坐病容銷盡欲依歸

和館娃宮懷古次韻

鏤楣消落濯春雨蒼翠無言空斷崖草碧未能忘
帝女燕輕猶自識宮釵江山祗有愁容在劍珮應
和愧色埋顙有伍員騷思少吳王纔免似荆懷唐員
半千本劉姓先世宋劉凝之以宋亡奔魏自比伍員因改姓員半千傳注員王問切俗作云元音俱非此詩蓋借用平聲讀也

和宿報恩寺水閣

峰抱池光曲岸平月臨虛檻夜何清僧穿小櫓纔

分影魚擲高荷漸有聲因憶故山吟易苦各橫秋
簾夢難成周顒不用裁書勸自得涼天證道情

和題支山南峰僧次韻

眉毫霜細欲垂肩自說初棲海嶽年萬壑煙霞秋
後到一林風雨夜深禪時翻貝葉添新藏間插松
枝護小泉好是清冬無外事匡牀齋罷向陽眠

和寄題玉霄峰葉涵象尊師所居

天台一萬八千丈師在浮雲端捲扉永夜祇知星
斗大深秋猶見海山微風前幾降青毛節雪後應
披白羽衣南望煙霞空再拜欲將飛魄問靈威

和題鏡巖周尊師所居

見說身輕鶴不如石房無恙其雲居清晨自削靈
香柿獨夜空吟碧落書十洲飛精應徧吸一簪秋
髮未曾梳知君便入懸尋會早晚東騎白鯉魚

和寄題羅浮軒轅先生所居

鼎成仙馭入崆峒百世猶傳至道風暫應青詞爲
穴鳳却思丹徼伴冥鴻金公的的生爐際瓊刃時
時到夢中預恐浮山歸有日載將雲室十洲東

南陽廣文欲于荆襄卜居襲美有贈代之訓

次韻

不知天隱在何鄉且欲煙霞跡暫雙鶴廟未能齊
月馭鹿門聊擬並雲窓薛衡荒磴移桑屐花浸春
醪挹石缸莫惜查頭容釣伴也應東印有餘江

和醉中卽席贈潤卿博士次韻

共是虛皇簡上仙清詞如羽欲飄然登山凡著幾
緇履破浪欲乘千里船遠夢只留丹井畔閒吟多
在酒旗前誰知海上無名者只記漁歌不記年

和江南道中懷茅山廣文南陽博士三首

一片輕帆背夕陽望三峰拜七真堂

三茅二許一陽一郭是爲

七

天寒夜漱雲牙淨雪壞晴梳石髮香自拂煙霞

安筆格獨開封檢試砂牀莫言洞府能招隱會輾
鸞輪見玉皇

壺中行坐可攜夫何況林間息萬緣組綬任垂三
品石珮環從落四公泉丹臺已運陰陽火碧簡須
雕次第仙

廣文三年
猶在場中

想得雷平春色動五芝煙甲

又芋綿

良常應不動移文金醴從酸亦自醺

蓬萊公洛廣
文以金醴四

非待主簿主
簿恨其味酸

桂父舊歌飛絳雪桐孫新韻倚玄雲

春臨柳谷鶯先覺曙醺蕪香鶴共聞珍重雙雙玉
條脫盡憑三島寄羊君

和懷華陽潤卿博士三首

幾降真官授隱書
洛公曾到夢中無
眉間入靜三辰影
肘後通靈五嶽圖
北洞樹形如箇蓋
東凹山色似重爐
金墟福地能容否
願作岡前蔣負芻

火景應難到洞宮
蕭閒堂冷任天風
談玄塵尾拋雲底
服散龍胎在酒中
有路還將赤城接
無泉不共紫河通
竒編早晚教傳授
免以神仙問葛洪

終日焚香禮洞雲
更思琪樹轉勞神
曾尋下泊

宮名

常經月不到中峰
又累春仙道最高
黃玉籙署天偏稱
白綸巾清齋若見
茅司命乞取朱兒
十二斤

朱見事見
登真隱訣

和初冬偶作寄南陽潤卿次韻

逐日生涯敢計冬可嗟寒事落然空窓憐返照緣
書小庭喜新霜爲橘紅衰柳尙能和月動收蘭猶
擬倩煙籠不知海上今清淺試與飛書問洛公

和寄懷南陽潤卿

高抱相逢各絕塵水經山疏不離身才情未擬湯
從事玄解猶嫌竺道人霞染洞泉渾變紫雪披江
樹半和春誰憐故國無生計唯種南塘一畝芹

和襲美寄廣文

忽辭明主事真君直取姜巴路入雲龍象拜時輕
詰命霓襟披後小玄纁峰前北帝三元會石上東
卿九錫文應笑世間名利火等閒靈府剩先焚

和寄毗陵魏處士朴

經苑初成墨沼開何人林下肯尋來若非宗測圖
山後卽是韓康賣藥迴溪籟自吟朱鷺曲沙雲還
作白鷗媒唯應地主公田熟時送君家麴蘖材

和夏景無事因懷章來二上人次韻二首

簷外青陽有二梅折來堪下凍醪杯

離騷注云盛夏以醇酒置

冰上高杉自欲生龍腦小弁誰能寄鹿胎麗事肯教

饒沈談微何必減宗雷還聞擬結東林社爭柰
淵明醉不來

忽憶高僧坐夏堂厭泉聲聞笑雲忙山重海澹懷
中印月冷風微宿上方病後書求膏少藥定迴衣
染貝多香何時更問逍遙義道林有道
逍遙義五粒松陰
半石牀

和登初陽樓寄懷北李郎中

遠窓浮檻亦成年幾伴楊公白晝筵日暖煙花曾
撲地氣和星象却歸天閒將水石侵軍壘醉引笙
歌上釣船無限恩波猶在目東風吹起細漪漣

和寄滑州李副使員外

洛生閒詠正抽毫忽傍旌旗着戰袍
檄下連營皆破膽劒離孤匣欲吹毛
清秋月色臨軍壘半夜淮聲入賊壕
除却征南爲上將平徐功業更誰高

和寄滑州楊舍人

明時非罪謫何偏鵬鳥巢南更數千
酒滿椰盃消毒霧風隨蕉扇下瀧船
人多藥戶行在蠱吏有珠官出俸錢
祇以直誠天自信不勞詩句詠貪泉

和吳中言懷寄南海二同年

曾見淩風上赤霄盡將華藻赴嘉招
城連虎踞山

圖麗路入龍編海舶遙江客漁歌衝白荇野禽人
語映紅蕉庭中必有君遷樹莫向空臺望漢朝

交州

記云有君遷樹有朝
臺尉他望漢所築

和送李明府之任南海

春盡之官直到秋嶺雲深處凭瀧樓居人愛近沉
珠浦候吏多來拾翠洲寶稅盡應輸紫貝蠻童多
學佩金鉤知君不戀南枝久拋却經冬白剝裘

和贈南陽潤卿將歸雷平

朝市山林隱一般却歸那減卧雲權墮階紅葉誰
收得半盞清醪客酌乾玉笈詩成吟處曉金沙泉

落夢中寒真仙若降如相問曾步星罡遶醮壇

和送孫發百篇遊天台

直應天授與詩情百詠唯消一日成去把彩毫揮
下國歸參黃綬別春卿閒窺碧落懷煙霧暫向金
庭隱姓名珍重興公徒有賦石梁深處是君行

和臘後送內大德從勗遊天台

應緣南國盡南宗欲訪靈溪路暗通

溪在天台山下歸思

不離雙闕下去程猶在四明東銅鉞淨貯桃花雨

金策閒搖麥穗風

上人猜期國請過夏

若戀吾君先拜疏爲

論台嶽未封公

和送圓載上人歸日本國

老思東極舊巖扉
却待秋風泛舶歸
曉梵陽烏當石磬
夜禪陰火照田衣
見翻經論多盈篋
親植杉松大幾圍
遙想到時思魏闕
只應遙拜望斜暉

和襲美爲新羅弘惠上人撰靈鷲山周禪師
碑送歸詩

一函迢遞過東瀛
祇爲先生處乞銘
已得雄詞封靜檢
却懷孤影在禪庭
春過異國人應寫
夜讀滄洲恠亦聽
遙想勒成新塔下
盡望空碧禮文星

戊籤七十三陸龜蒙之九 唐音統籤卷七百

七言律詩二

徐方平後聞赦因寄襲美

新春旒宸御暈軒海內初傳渙汗恩秦獄已收爲
厲氣瘴江初返未招魂英才盡作龍蛇蟄時停貢舉戰
地多成虎豹村除却數般傷痛外不知何事及王

孫

上元日道室焚修寄襲美

三清今日聚靈官玉刺齊抽謁廣寒執蓋冒花香

寂歷侍晨交珮響闌珊

執蓋侍晨皆仙之貴侶矣

將排鳳節分

階易欲校龍書下筆難唯有世塵中小兆夜來心
拜七星壇

四月十五日道室書事寄襲美

烏飯新炊蕝臠香道家齋日以爲常月苗杯舉存
三洞雲藥函開叩九章一掬陽泉堪作雨數銖秋
石欲成霜可中值着雷平信爲覓閒眠苦竹牀

早春雪中作吳體寄襲美

迎春避臘不肯下欺花凍草還飄然光填馬窟蓋
塞外勢壓鶴巢偏殿巔山爐瘳節萬狀火墨突乾
衰孤穗煙君披鶴氅獨自立何人解道真神仙

春雨卽事寄襲美

小謝輕埃口日飛

小謝詠雨詩有散漫似輕埃句

城邊汀上阻春

暉雖愁野岸花房凍還得山家藥笄肥雙屐著頻
看齒折敗裘披苦見毛稀比鄰釣叟無塵事灑笠
鳴簔夜半歸

正月十五日惜春寄襲美

六分春色一分休滿眼東波盡是愁花匠礙寒應
束手酒龍多病尚垂頭無窮懶惰齊中散有底機
謀敵右侯見織短篷裁小檝挈煙閒弄箇漁舟

獨夜有懷因作吳體寄襲美

人吟側景抱凍竹鶴夢缺月沈枯梧清澗無波鹿
無魄白雲有根虬有鬚雲虬澗鹿真逸調刀名錐
利非良圖不然快作燕市飲笑撫肉枿音馨眠酒壚
新夏東郊閒泛有懷襲美

遲于春日好于秋野客相携上釣舟經畧釣時冠
暫亞佩笭箬後帶頻撈兼葭鷺起波搖笠村落蠶
眠樹挂鉤料得祇君能愛此不爭煙水似封侯

早秋吳體寄襲美

荒庭古樹只獨倚敗蟬殘蛩苦相仍雖然詩膽大
如斗爭柰愁腸牽似繩短燭初添蕙幌影微風漸

折蕉衣稜安得彎弓似明月快箭拂下西飛鵬

病中秋懷寄襲美

病容愁思苦相兼清鏡無情未我嫌貪廣異蔬行
徑窄故求偏藥出錢添同人散後休賒酒雙燕辭
來始下簾更有是非齊未得重憑詹尹拂龜占

秋賦有期因寄襲美

雲似無心水似閒忽思名在貢書間煙霞鹿弁聊
懸著鄰里漁舫暫解還芳草病來猶滿篋藥苗衰
後卽離山廣寒宮樹枝多少風送高低便可攀

聞襲美有親迎之期因以寄賀

梁鴻夫婦欲雙飛細雨輕寒拂雉衣初下雪窓應
眷戀次乘煙憶柰光輝參差扇影分華月斷續簫
聲落翠微見說春風偏有賀露花千朶照庭闌

襲美以公齋小宴見招因代書寄

早雲纔破漏春陽野客晨興喜又忙自與酌量煎
藥水別教安置曬書牀依方釀酒愁遲去借樣裁
巾怕索將唯待數般幽事了不妨還入少年場

顧道士亡弟子奉束帛乞銘于襲美因戲贈
童初真府召爲郎君與抽毫刻便房亦謂神仙同
許郭不妨才力似班楊比于黃絹詞尤妙酬以霜

縑價未當唯我有文無賣處筆鋒銷盡墨池荒

寄吳融

一夜秋聲入井桐數枝危綠怕西風霏霏晚砌煙
華上浙浙疎簾雨氣通君整輪蹄名未了我依琴
鶴病相攻到頭江畔從漁事織作中流萬尺篴

寄淮南鄭寶書記

記室千年翰墨孤唯君才學似應徐五丁驅得神
功盡二西搜來秘檢疎煬帝帆檣留澤國淮王牋
奏入班書清詞醉草無因見但釣寒江半尺鱸
南陽廣文博士還雷平後寄

微微春色染林塘親撥煙霞坐澗房陰洞雪膠知
未入濁醪風破的偷嘗芝臺晚用金鐙煮星度閒
將玉鈴量幾遍侍晨官欲降曙壇先起獨焚香

懷楊台文楊鼎文二秀才

秋早相逢待得春崇蘭清露小山雲

崇蘭小山雲
郡中二堂寒

花獨自愁中見曙角多同醒後聞釣具每隨輕舸
去詩題閒上小樓分重思醉墨縱橫甚書破羊欣
白練裙

寄茅山何威儀二首

大小三峰次九華靈蹤今盡屬何家漢時仙上雲

巔鶴蜀地春開洞底花閒傍積嵐尋瀑眼便凌殘
雪採芝芽年來已奉黃庭教夕鍊腥羗曉吸霞
曾向人間拜節旄乍疑因夢到仙曹身輕曳羽霞
襟狹髻聳我煙鹿幘高山暖不輦峰上薤水寒仍
落洞中桃從聞此日搜奇話轉覺魂飛夜夜勞

送浙東德師侍御罷府西歸

王謝遺蹤玉籍仙三年閒上鄂君船詩懷白閣僧
吟苦俸買青山鶴價偏行次野楓臨遠水醉中衰
菊卧涼煙芙蓉散盡西歸去唯有山陰九萬牋

送羊振文先輩往桂陽歸覲

風雅先生去一麾過庭才子趣歸期時使君丈人自毛詩博士出
牧讓王門外開帆葉義帝城中望戟支鄂路漸寒
飄雪遠湘波初暖漲雲遲靈均精魄如能問又得
千年賈傅詞

送董少卿遊茅山

威輦高懸度世名至今仙裔作公卿將隨羽節朝
珠闕曾佩魚符管赤城董嘗判台州雲凍尚含孤石色

雪乾猶墮古松聲應知四扇靈方在待取歸時綠
髮生

送潤卿還華陽

何事輕舟近臘回茅家兄弟欲歸來

學司命以三月十八日十

二月二日會于華陽天

封題玉洞虛無奏點檢霜壇沆瀣杯

雲肆先生分氣調山圖公子愛詞才殷勤爲向東卿薦灑掃含真雪後臺

潤州江口送人謁池陽衛郎中

山翁曾約舊交懽須拂侯門側注冠月在石頭搖
戍角風生江口亞帆竿閒隨野醉溪聲鬧獨伴清
譚曉色殘待取新秋歸更好九華蒼翠入樓寒

潤州送人往長洲

秋來頻上向吳亭每上思歸意剩生廢苑池臺煙

裏色夜村蓑笠雨中聲汀洲月下菱船疾楊柳風
高酒旆輕君住松江多少日爲嘗鱸膾與尊羹

和過張祜處士丹陽故居 并序

張祜字承吉元和中作宮體小詩辭曲豔發當時輕薄之流能其才合謀得譽及老大稍窺建安風格謫樂府錄知作者本意短章大篇往往佳間曰諫諷怨謫時與六義相左右善題目佳境言不可用置別處此爲才子之最也由是賢俊之士及高位重名者多與之遊謂有鸛鷺之野孔翠之鮮竹柏之貞琴磬之韻或薦之于天子書奏不下亦受辟諸侯府性狷介不容物輒自劾去以曲阿地古澹有南朝之遺風遂築室種樹而家焉性嗜水石常悉力致之從知南海間罷職載羅浮石筍還不蓄善田利產爲身後計歲亦二十年而故姬遺孀凍餒不暇前所謂鸛鷺孔翠竹柏琴磬之家雖朱輪尚乘遺編尚吟未嘗一省其孤而恤其窮也噫人假之爲玩好

不根于道義耶懼其怨刺于神明耶天果不愛才沒而猶譴耶吾一不知之友人顧弘至江南道中訪其廬作詩弔而序之屬余應和余汨沒者不足哀承吉之道邀襲美同作庶乎承吉之孤倚其傳而有憐者

勝華通子其悲辛荒逕今爲舊宅鄰一代交遊非不貴五湖風月合教貧理應絕地爲才鬼名與遺編在史臣聞道平生偏愛石至今猶泣洞庭人

嚴子重以詩遊于名勝間舊矣余晚于江南相遇甚樂不幸且沒襲美作詩序而弔之其名真不朽矣又何戚其死哉余因息悲而爲之和

每值江南日落春十年詩酒愛逢君芙蓉湖上吟
船倚翡翠巖前醉馬分祗有汀洲連舊業豈無章
疏動遺文猶憐未卜佳城處更斷要離冢畔雲

和傷吳拱山人

曾說山西欲去尋豈知霜骨葬寒林常依淨住師
冥目兼事容成學筭心

史學浮圖
兼善筭術

逋客預齋還梵

唱老猿窺祭亦悲吟唯君獨在江雲外誰誅孤貞
置峴岑

和傷開元觀顧道士

何事神超入杳冥不騎孤鶴上三清多應白簡

將去卽是朱陵鍊更生藥葉肯同椒醕味雲謠空
替薤歌聲武皇徒有飄飄思誰問山中宰相名

襲美以紗巾見惠因次韻酬謝

薄如蟬翅背斜陽不稱春前贈

女減反

卽初覺頂

寒生遠吹預憂頭白透新霜堪窺水檻澄波影好

拂花墻亞葉香知有芙蓉留自戴

桐柏真人戴芙蓉冠也

欲

栽煙霧訪黃房

襲美將以綠罽爲贈因成四韻

三逕風霜利若刀檐褕吹斷胃蓬蒿病中祇自悲
龍具世上何人識羽袍狐貉近懷珠履貴薜蘿遙

羨白巾高陳玉輕暖如相遺免致衰荷效廣騷

襲美以紫石硯見贈詩以迎之

霞骨堅來王自愁琢成飛燕古釵頭澄沙脆弱聞
應伏青鐵沉埋見亦羞最稱風亭批碧簡好將雲
寶漬寒流君能把贈行吟客徧寫江南物象酬

襲美以魚牋見寄因謝成篇

擣成霜粒細鱗鱗知作愁吟幸見分向日乍驚新
鱗色臨風特辭白萍文

魚子日
白萍

好將花下承金粉

堪送天邊詠碧雲見倚小窓親襲染盡圖春色寄

夫君

以竹夾膝寄贈龔美

截得篋簪冷似龍翠光橫在暑天中堪臨薤簾開
憑月好向松窓卧跂風荷贈敢齊青玉案醉吟偏
稱碧荷筒添君野具教多着爲著西齋譜一通

頃自桐江得一釣車以龔美樂煙波之思因
出以爲玩俄辱三篇復抒訓答

旋屈金鉤劈翠筠手中盤作釣魚輪忘情不效孤
醒客有意閒窺百丈鱗雨似輕埃時一起雲如高
蓋強相親任他華轂低頭笑此地終無覆敗人
曾招漁侶下清潯獨繭初隨一鍾深細輾煙華無

轍跡靜含風力有車音相呼野飯依芳草迭和山
歌逗遠林得失任渠但平聲取樂不曾生箇是非心
病來懸着脆縉絲獨喜高情爲我持數幅尚凝煙
雨態三篇能賦蕙蘭詞雲深石靜閒眠穩月上江
平放溜遲第一莫教諳此境倚天功業待君爲

二遺詩

并序

遺者何石枕杜琴薦也石者何松之所化也
化於何越之東陽也東陽多名山就中金華爲
最枝峰蔓壑秀氣磅礴者數百里不啻神仙登
臨草木芬華永凍之地亦蟬聯其間中饒古松
往往化而爲石盤根大柯文理曲折盡爲好事
者得而致于人間以爲耳目之異太山羊裘文
得枕材趙郡李中秀得琴薦皆茲石也
或以遺予予以二遺之奇聊賦詩以謝

誰從毫末見參天又到蒼蒼化石年萬古清風吹
作籟一條寒溜滴成穿閒追金帶徒勞恨靜格音各

朱絲更可憐幸與野人俱散誕不煩良匠更雕鐫
和詠開元寺佛鉢

空王初受逞神功四鉢須臾現一重至今鉢緣有四重也持

次想添香積飯覆時應帶步羅鍾光寒好照金毛
鹿響靜堪降白耳龍從此寶函香裏見不煩西去
詣靈峰

看壓新醅寄懷襲美

曉壓糟牀漸有聲旋如荒澗野泉清身前古態燼

應出世上愁痕滴合平飲啄斷年同鶴儉風波終
日看人爭樽中若使常能淥兩綬通侯總強名

和行次野梅次韻

飛棹參差拂早梅強欺寒色尙低徊風憐薄媚留
香與月會深情借艷開梁殿得非蕭帝瑞齊宮應
是玉兒媒不知謝客離腸醒臨水剛添萬恨來

和揚州看辛夷花次韻

柳疎梅墮少春叢天遣花神別致功高處朶稀難
避日動時枝弱易爲風堪將亂蘂添雲肆若得千
株便雪宮不待羣芳應有意等閒桃杏卽爭紅

和襲美病中海石榴花盛發見寄次韻

紫府真人餉露囊
猗蘭燈燭未熒煌
丹華乞曙先侵日
金焰欺寒却照霜
誰與佳名從海曲
祗應芳齋出河陽
那堪謝氏庭前見
一段清香染郢郎

幽居有白菊一叢因而成詠呈知己

還是延年一種材

菊之別名

卽將瑤朶冒霜開
不如紅

艷臨歌扇欲伴黃英入酒杯
陶令接籬堪岸著梁

王高屋好歌來

梁朝有白紗高屋帽

月中若有閒田地爲勸

嫦娥作意栽

重憶白菊

蜀本作兩絕非

我憐貞白重寒芳前後叢生夾小堂月朶暮開無
絕艷風莖時動有奇香何慙謝雪清才詠不羨劉
梅貴主耕更憶幽窓凝一夢夜來村落有微霜

薔薇

倚牆當戶自橫陳致得貧家似不貧外布芳菲雖
笑日中含芒刺欲傷人清香徃徃生遙吹狂蔓看
看及四鄰遇有客來堪玩處一端晴綺照煙新
襲美以春橘見惠兼之雅篇因次韻酬謝
到春猶作九秋鮮應是親封白帝煙良玉有漿須
讓味明珠無賴亦羞園堪居漢苑霜梨上合在

家火事前珍重更過三十子不堪分付野人邊

王

辯嘗爲荆南得橘一蒂

三十子以獻梁元帝

偶掇野蔬寄襲美

野園煙裏自幽尋
嫩甲香蕤引漸深
行歇每依鷗
舅影挑頻時見鼠
姑心凌風薄彩初
携籠帶露虛
疎或貯襟欲助春
盤還愛否不妨
瀟灑似家林

和開元寺開筍園寄章上人

春龍爭地養檀藥
况是雙林雨後者
迸出似毫當
埵堞孤生如恨倚
欄杆凌虛勢欲齊
金剎折贈光
宜照玉盤更待錦
苞零落後粉環高
下掬煙寒

和襲美謝友人惠人參

五葉初成椶樹陰紫團峰外卽鷄林名參鬼蓋須
難見材似人形不可尋品第已聞升碧簡攜持應
合重黃金殷勤潤取相如肺封禪書成勳帝心

白鷗并序

樂安任君嘗爲涇尉居吳城中地纔數畝而不
佩俗物有池池中有島嶼池之南西北邊合
亭修篁嘉木掩隱隈奧處其一不見其二也君
好奇樂異喜文學名理之士所得皆清散凝
襲美知而借請旣坐有白鷗翩然馴于砌下
詩澤而觀之主人曰池中之族老矣每以豪健
據有鵲之始浮輒逐而害之今畏不敢入耳昔
人之心蓄機事猶或舞而不下況害之哉且羽
族麗于水者多矣獨鷗爲閒暇其致不高耶
旦水有鯨鯢之患陸有狐狸之憂倚侶不得命

肅塵埃不得澡刷雖蒙人之流貲亦天地之窮鳥也感而爲詩邀襲美同作

慣向溪頭漾淺沙。薄煙微雨是生涯。時時失伴沈
山影。徃徃爭飛雜浪花。晚樹清涼還鷓鴣。舊巢零
落寄蒹葭。池塘信美應難戀。針在魚脣。劍在鰕

歸鴈

北走南征象我曹。天涯迢遞翼應勞。似悲邊雪音猶苦。初背岳雲行未高。月島聚檀防暗繳。風灘斜起避驚濤。時人不問隨陽意。空拾欄邊翡翠毛。

鵲鵲

并序

客有過叢澤得水鳥所謂鵙鵙者脫余黑襟青
脰碧爪用蜀色幾及頊質甚高而意卑戚畏人
奇克戔

余極哀其野逸性又非能招累者而囚錄籠檻
逼迫窓戶儼啄仰飲爲活大不依真天地之窮
鳥也爲之賦詩
擬好事者和

詞賦曾誇鷗徒角切鳴牛欲切流景爲名誤別滄洲雖

蒙靜置跡籠晚不似閒栖折葦秋自昔稻梁高鳥
畏至今珪組野人讐防微避繳無窮事好與裁書
謝白鷗

和病孔雀

懶移金翠傍簷楹斜倚芳叢舊態生唯奈瘴煙籠
飲啄可堪春雨滯飛鳴驚鴛鴦水畔迴頭羨葦蕩圖
前舉眼驚爭得鷗鵠來伴着不妨還校有心情

和襲美先輩悼鶴

一夜圓吭絕不鳴
八公虛道得千齡
方添上客雲
眠思忽伴中仙劍
解形但掩叢脩一作
毛穿古堞永
留寒影在空屏
君才幸自清如水
更向芝田爲刻
銘

襲美以巨魚之半見分因以訓謝

誰與春江上信魚
可憐霜刃截來初
鱗隳似撒騷
人屋腹斷疑傷遠
客書避網幾跳山
影破逆風曾
感浪花虛今朝
最是家童喜免泥
荒畦極野蔬

訓襲美兄寄海蟹

藥杯應阻蟹螯香却乞江邊採捕郎自是揚雄知

郭索

太玄經云蟹之郭索

且非何胤敢餒餒

何胤後于食味稍欲去其甚者

猶有鮓膳蟹

骨清猶似含春露沫白還疑帶海霜強作

南朝風雅客夜來偷醉早梅傍